



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 18. Chileni regni descriptio.

urn:nbn:de:hbz:466:1-38528

Urbs Co.
quimbi sive
Serena.

Chileni atrox
facinus.

Urbs Ofor-
num.

Urbs Mendo-
ca.

Sancti Ilde-
phonsi ca-
strum.

CAPUT
XVIII.
Chileni Re-
gni descri-
ptio.

Amenitas.
Fertilitas.

Divitiae.

cognominem urbem in solo auri probatissimi feracissimo non procul à mari, & Villaricam in mediterraneis ædificavit. Coquimbo sive Serena in Coquimbensi valle, & Angol inter Imperialem & Conceptionis novam etiam urbem, ejusdem auspiciis erectora sunt. Sed Chileno regno constructis coloniis sic occupato, Araucanæ & Purenæ vallis incolæ nimia auri fossione exacerbati, Caupolicano duce, conjurantes, Petrum Valdiviam & Hispanos quamplurimos miserum in modum trucidavere: memorantque Hispani scriptores Chileni Barbari facinus atrox, aurum igne liquefactum in os Valdiviae per vim & vindictam infundentis, hortantisque ut se tandem auro satiare, qui nihil nisi aurum sitret. Franciscus Villagra Valdiviae successor, popularium vindex, multa bella feliciter consecit, donec ejus etiam copia à Barbaris opprimerentur. Villagra infortunium sequuta aliquot novarum coloniarum depopulatio, inaslueta servitia Barbaris subire renuentibus. Post Villagram Garcia Hurtadus Mendoza, Marchionis Canietz Peruviae Proregis filius, cum Prætoriâ potestate multas Hispanorum cohortes, & tormenta bellica in Chilense regnum invehens, Barbaros tanto terrore affecit, ut plerosque in amicitiam receperit. Araucanos & Tucapelanos imperium detrectantes, occiso Caupolicano Valdiviae maestatore, justo prælio devicit. Valdiviam & Imperialem urbes à rebellibus destrutas restituit. Oforum oppidum, quadragesimo & uno circiter gradu abs se ædificatum, commilitonum præcipuis, quos lècum è Peruviâ adverxerat, partitis agris incolendum attribuit. In Cuioensi provinciâ, Chileni regni transmontana appendice, Mendoçam urbem, duorum oppidorum postea caput, per legatum de suo nomine posuit. Tandem regni præfecturâ Rodericio Quirogâ Sancti Jacobi Equiti relicta, Peruviam, quam interjecto tempore Prorex gubernavit, ingenti famâ repetiit. Rodericus Quiroga regnum, variante fortunâ, inter continuos poenæ tumultus administratum, Ildefonso Sotomajori anno præteriti sœculi septuagesimo nono tradidit. Is, Sancti Ildephonsi castro in Araucanâ valle condito, Araucanos pro libitu rebellantes aliquousque repressit. adeò ut Martinus Loiola ejus successor utcumque pacatum regnum duodecim Hispanorum urbibus conspicuum regendum per manus accepit. Quæ verò Hispani per tot annos, cum militari gente belligerando, facinora gesserint, quam fortiter quique se haberint, quot prælia feliciter commiserint, non est mearum partium sigillatim enarrare: id præstabant Chileni belli scriptores: mihi satis sit ea artigisse, quæ ad rerum dicendam seriem intelligentiamque facere existimavi.

PORRO, ut hoc addam, nihil Chilensi regione totâ, sive ad amoenitatem deliciosa, sive ad blandæ vitæ usum fingi potest accommodatus. Omni fructuum genere abundat, ostentatque jam in amoenis collibus, fluminum ripis, vallum pratris, fontium marginibus, pleraque quæ America & Europa sparsim parturit. Lactis & lanarum tanta copia, quantam ovibus & boum armentis herbofa pabula ubique præbent. Mellis, tritici, & generosi vini, quantum sibi sufficit, ferox est. Fragorum, & silvestrium pomorum sponte nascentium, rata suavitatis: aquarum potabilium per auri venas traductarum tenuitas salubritasque apud frugales Hispanos magnum pretium habet: quamquam non negarim ipsas auri venas Hispanorum plerisque aquis esse pretiosiores. Toto anno tonitrua nulla audiuntur: fulgetra, fulmina, ventorum immoderati impetus, & hujusmodi cœlorum terrores absunt. Terra omnis nullum venenosum animal, aut feras nocivas parit. Repentini tantum terræ tremores, inter magnarum intervalla felicitatum, animos hominum quandoque concutiunt: nec alia res in officio magis continet colonos amoenitate camporum & rerum copiâ plerumque ad luxuriam magis, quam ad pietatem, proclives. In totâ Americâ nullum ferè aurum magis probatur, quam Chilenum; in quo cruendo si ritè & moderate primis illis temporibus se gesserint Hispani, & cupiditatem ad regnum Catholicorum leges accommodassent, diu felices esse poterant. Sed Chileno regno, constructis ubique coloniis occupato, priuati homines, reclamantibus per diplomata Regibus Catholicis, graves indigenis esse cœpere; unde concatenata bella, & ex bellis orta adeò notabilis depopulatio est, ut felicissimum regnum nihil jam pristini splendoris præter nomen ostenter.

CAPUT